



Broj:
Sarajevo, __. __. 2019. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – Prečišćeni tekst), Gradsko vijeće Grada Sarajeva, na sjednici održanoj __. __. 2019. godine, primilo je k znanju

Informaciju o aktivnostima na projektu „Izgradnja Trebevičke žičare“.

**PREDSJEDAVAJUĆI
GRADSKOG VIJEĆA**

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

INFORMACIJA
O AKTIVNOSTIMA NA PROJEKTU
„IZGRADNJA TREBEVIĆKE ŽIČARE“

Predlagač: Gradonačelnik
Obrađivač: Služba za urbano planiranje,
investicijske, stambene i komunalne poslove

Sarajevo, oktobar 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019

Sarajevo & East Sarajevo

U skladu sa Programom rada Gradskog vijeća Grada Sarajeva za 2019. godinu, podnosi se informacija o aktivnostima na projektu „Izgradnja Trebevičke žičare”.

Informacija o aktivnostima na projektu „Izgradnja Trebevičke žičare” sačinjen je u cilju informisanja Gradskog vijeća Grada Sarajeva o izvršenim poslovima i zadacima na realizaciji projekta u periodu od 30. decembra 2018. godine do 30. septembra 2019. godine.

INFORMACIJA

Dana 6. aprila 2018. godine Trebevička – Sarajevska žičara je puštena u pogon. Kako do tada građevinski radovi na objektima polazne i dolazne stanice nisu bili završeni, paralelno sa radom žičare izvodili su se završni radovi na objektima žičare. Iako kompleksan sa aspekta sigurnosti i organizacije gradilišta, ovaj period je prošao bez problema i dužih obustava rada samog postrojenja žičare, te je tako do sada Trebevička žičara prevezla preko 600.000 putnika i posjetioca Trebevića.

Radovi na stanicama polazne i dolazne stanice Trebevičke žičare su u svakom smislu završeni. Ispunjeni su svi tehnički i formalni uslovi, te je u skladu s tim u julu ove godine formirana općinska Komisija za tehnički prijem koja je dala pozitivno mišljenje na osnovu kojeg je općina Stari Grad izdala Upotrebnu dozvolu.

Ovim su se stekli uslovi, u skladu sa Ugovorima između Grada Sarajeva i Izvođača radova, da objekti budu predati Investitoru, te je primopredaja izvršena u augustu ove godine. Sada se objekti koriste u punom kapacitetu u skladu sa njihovim namjenom.

„Projekt vanjskog uređenja objekata polazne stanice Trebevičke žičare“ je u završnoj fazi. Izgrađena je pristupna saobraćajnica, parking mjesta za invalide, izgrađeno je pristupno stepenište, izvršeno je saniranje klizišta i stabilizacija objekta uz samo stepenište, izvršeno je polaganje uličnog cjevovoda u dužini cca 100 metara i ulične oborinske odvodnje. Postavljena je iluminacija, mobilijar, uspostavljeni su koridori za osobe sa smanjenom pokretljivošću. Trenutno se izvode sitni završni radovi, te očekujemo, u vrlo kratkom vremenskom roku, potpuni završetak radova. Ipak, unatoč tome sto radovi nisu u potpunosti završeni, prostor oko polazne stanice se koristi u punom kapacitetu.

„Projekta izgradnje vodovoda Prvi šumar – Vidikovac“ je bio jedan od uslova za dobivanje upotrebne dozvole za objekat Gornje stanice žičare. Pored sanitarne opskrbe vodom ovaj projekat je bio ključan i za vatrozaštitu objekata. U okviru ovog projekta izvršeno je polaganje 300 metara cjevovoda kroz šumu, izgrađena je pumpna stanica sa rezervoarom te je obezbjeđeno kontinuirano snabdijevanje gornje stanice vodom, što je bilo presudno za dobivanje upotrebne dozvole za objekat gornje stanice žičare.

Možemo reći da je projekat revitalizacije Trebevičke žičare, sa svim svojim cjelinama, u završnoj fazi te da se žičara koristi u punom kapacitetu.